

M504: Mitteldeutsche Predigten (H2)

1r,1 [...] [...] die daz fivr inbrennen sal . Daz ist d' tiufel . un- alle sine uolgere .
 1r,2 die sulen eweliche brinnen in deme fivre . Von deme
 1r,3 fivre . ist gescriben.: "Ignis eorum n- extinguetur . & uermis eorum
 1r,4 n- morietur ." Der ubelen fivr . wirt nimer verleschet . un- d'
 1r,5 wurm der irstirbet nimer . Lieben . Der ubele wurm .
 1r,6 de ist der leide tivfel . der sie sal nagen . un- marteren . naht
 1r,7 un- tac . Daz wir da sprechen . naht . un- tac . daz sprechen wir .
 1r,8 umme daz niht . daz da iemer werde tac . oder tages liecht
 1r,9 da daz ewige vinsternisse ist . wande ez ist also gesprochen
 1r,10 daz ir ungenade . iemermer . weren sal . Nv sulen wir hude
 1r,11 biten unseren herren . der durch unsich . in dise werlt wolde
 1r,12 kumen . daz er uns des volle helfe . daz wir dar muzen kumen
 1r,13 da er die ewigen genade bereidet hat . allen sinen holden .
 1r,14 die in minnent . Lieben . Div uffart unseres herren . die
 1r,15 was bezeichnenet . manege wis . in der heiligen scrifde . dannen
 1r,16 abe sprach d' wise salomon . in eineme buche . daz er gemachet
 1r,17 hade . von unserme herren . un- uon der heiligen
 1r,18 cristenheide.: "Similis factus e- dilectus m-s capree hinnuloq;
 1r,19 ceruorum sup montes aromatu- ." Lieben . Min liebe . d' ist gelich
 1r,20 worden . eime rehe . un- eime hintchalbe . uffe deme
 1r,21 berge guter wurze . Daz reh . un- daz hintchalp . daz sint
 1r,22 zuei snelliv dier . un- varent al mit sprungen . un- weidenent
 1r,23 gerne . an den bergen . Lieben . Daz brzeichnenet unseren
 1r,24 herren . des snellecheit . div ist groz . wande minner
 1r,25 wilten . danne ein oucbrawe die anderen berure . so ummewert .
 1r,26 unser herre . alle die werlt . mit siner wisheide .
 1r,27 Also da gescriben ist . "Attingit a fine usq; ad finem fortiter
 1r,28 & disponit omi-a svauiter ." Er trifftet uon eineme
 1r,29 ende der werlte . un- aller der dinge . die er geschaffen hat
 1r,30 biz an daz . ander ende . stanche . un- sezzet allez ze saze gemehliche .
 1r,31 Sine sprunge . waren seltzene . daz was einer
 1r,32 von deme himele . in dise werlt . durhc unsere sunde . Der
 1r,33 ander an daz cruce . da er sine hende . an stracte . un- die
 1r,34 durhcslagen wurden . mit nagelen . un- da mite . gewan
 1r,35 er den namen . Quod est sup om-e nom . Der da ist uber
 1r,36 alle namen . daz er ein herre ist geheizen des himeles

1v,1 [...] [...]

2r,1 “[...][...] in d’ ewigen verlust . wande du des wandes . daz man die genade
 2r,2 des heiligen geistes . solte koufen . un- verkoufen . Din herze ist” sprach
 2r,3 er “vol aller unreinecheite . un- div bittere galle . des unrechtes .
 2r,4 div hat dich betalle irwullet .” Lieben . also wart er verraden
 2r,5 un- sider males . swa er sce- petris werke iht vernam . da schalt
 2r,6 er in . un- sprach . er were ein trigere . un- ein bose vischere . Do d’
 2r,7 selbe tivfeles bote . dar qua- . do tet er manic zeichenlich zoub’ .
 2r,8 da die houbet stunden irgraben . in den sulen . da schaffet er . daz
 2r,9 die livte duchte . daz sie lebeten . Die er wolte stecken . die steckt
 2r,10 er . allen gahes . daz sie von d’ stat . niht kumen mohten . un-
 2r,11 machte sich ungesichtlich . un- verswant den luten under den
 2r,12 handen . un- vermaz sich des . daz er die toten wolde irquicken .
 2r,13 un- ander’ manic dinc tete . die die lute . wunderlich duchten .
 2r,14 Sc-e peter vn- sante paulus . die ne wurben niht . mit decheiner
 2r,15 trugene . sie taten die toten uf sten . in unseres h’ren namen .
 2r,16 un- mahten die sichen gesunt . un- p-digiten allertegeliches .
 2r,17 daz godes wort . un- sprachen . swer sich an zoubere . icht hefte .
 2r,18 d’ muste gotes hulde . verlorn han . Alsus hub sich in der stat .
 2r,19 ze rome . michel gezoc . un- wurfnisse . un- zweiunge . under
 2r,20 deme livte . Sumeliche volgeten sc-e petro . un- sc-e paulo . die
 2r,21 god irkanten . den aber idelcheit . lip was . die wolgeten deme
 2r,22 goukelere . Diz qua- do fur den keiser ze rome . d’ hiez nero .
 2r,23 un- was untiure . des libes . un- unreine des mutes . umme die
 2r,24 sele . so ne hat er decheine achte . Er was ungestalt . er schilhete .
 2r,25 er was kale . un- hate eine andere unreinecheit . die die
 2r,26 buch heizent . “Erina- intestinorum scilicet demissione- .” Er sluc
 2r,27 sine muter . un- sinen bruder . un- sinen meister . seneca- . unde
 2r,28 lucanum poetam . un- die burc . hiez er instecken in zwelif
 2r,29 enden . mit fiure . durch anderes nit mere . wande durch sine
 2r,30 gelust . die eldesten un- die bezesten . die ze rome waren . den
 2r,31 nam er den lip . unschuldic . mit verretnisse . Nie mochte .
 2r,32 geborn werden . sulich hurere . sulich vraz . sulich trenkere .
 2r,33 un- aller bosheite . was er vol . d’ was do ze rome keiser . un- daz
 2r,34 riche . was mit ime gelasteret . un- verschelchet . Der hiez
 2r,35 do fur sich gewinnen . symonem den zoubere . un- sce- Petru- .
 2r,36 un- sce- paulu- . un- sprach zu in allen drin . “Ir h’ren . waz ist daz

2v,1 “[...][...] ir daz livt verirret .”
 2v,2 do sprach symon d’ zoubere . “herre keiser uon rome . dise zwene
 2v,3 diz sint trugere . der eine ist ein vischere . un- d’ ander ist ein claffere
 2v,4 vn- varint sus after lande vn- verkern das volk vn- bredigent
 2v,5 daz d’ god were ir meister den die ivden crvcigeten ze ierl’m- .”
 2v,6 Des antworte sce- petir un- sprach . “herre keiser lezzis tu disen zoubere
 2v,7 iht langer leben er verluset dir din ere un- din sele .
 2v,8 “[...][...] wande d’ tivfel sin meister ist . “[...][...] mit des helfe betruget
 2v,9 er die werlt . Wilt u aber wizzen wer unser meister were
 2v,10 ih-c xp-c . d’ werliche godes svn ist . un- der “[...][...] in die werlt

2v,11 qua- daz er unsich erlostē . un- tet uil manic zeichen [...] [...]
2v,12 [...] [...] un- d' zv iungest gemartelt
2v,13 wart durh unsere sunde . niht durch die sin . Ob du daz
2v,14 allez uil rechte wilt wizen so heiz dir den brief lesen den pilatus
2v,15 sande deme keiser claudio dime vofaren un- an deme
2v,16 brieve macht u vernemen w' vnser meister were" Do hiez d' keiser
2v,17 den brief lesen . Do er n vernam do sprach er symon deme zovberere
2v,18 zv . "waz spriches du symon ." Do sprach Symon . "Ez ist allez
2v,19 ein lugene . daz dise sagent [...] [...] . Ich bin werliche
2v,20 gotes sun un- wil dir din riche feste machen . un- nah deme
2v,21 libe wil ich dich zv himele furen ." Do sprach sc-e peter
2v,22 du bist des tiufeles bote dv bist gotes svn nicht daz wil ich
2v,23 bewerē vor deme keisere [...] [...] deme ist alliz
2v,24 daz offē . un- kundic . daz in d' werlte ist un- weiz wole
2v,25 allez daz der menische gedenket . Ob du nu godes sun bist .
2v,26 so sage deme keisere . wes ich nu gedenke . un- [...] [...] so wil
2v,27 ich deme keisere allirerest mine gedanke sagen . den worten .
2v,28 daz du decheine lugene getun mugest . Do runete sente
2v,29 peter deme keiser in sin ore [...] [...]
2v,30 [...] [...] brot bringen [...] [...]
2v,31 [...] [...]
2v,32 [...] [...]
2v,33 [...] [...]
2v,34 [...] [...]
2v,35 groze hunde un- vrezzen peter [...] [...]
2v,36 quamen groze hunde un- [...] [...]